

醫

案

醫案三吳治驗二卷目錄

王文川令郎內傷發黃

一有秘訓

施涇陽先生內人痰火

二

屠侍軒尊眷產昏憤不知人事

五

屠學恒廼眷產後作瀉

四

周鑑泉令政傷寒謔語

五

臧顧渚老先生兩耳掀痒

六

王南崗咳嗽氣湧

七

張桃津廼政小產後臍下痛

八

陳光祿五更胸膈脹九

溧水令君夫人五更倒飽洩瀉十

李悅三夫人腹痛譫語如狂鼻衄十一

吳仲峰脾洩十二

張後溪令孫瘡疥發腫十三

張五橋夫人喘嗽十四

東塾脊骨痛牽引胸腹皆痛十五

張淨宇發熱腹痛洩瀉嘔吐十六

李近川胃脘痛十七

文川公肛生一毒膿潰不收口 十八

子古愚胸膈飽悶大便澹泄 十九

姚惠全夜多洩瀉 二十

姚老夫人右手疼 二十一

一僕時疫頭痛發熱 二十二

一僕時疫頭痛如破 二十三

一僕時疫嘔吐煩躁口渴 二十四

馬鳳陽咳嗽內熱 二十五

倪二南內人小水不禁 二十六

嚴柱史令媳腹中有塊疼痛 二十七

陳鹿塘脹風臟毒大便燥結 二十八

張道南內人腹痛 二十九

張道南尊堂高上痰飲痞而惡 三十

馬迪庵內人奇痰症 三十一

董老夫人眩暈 三十二

張裕全惡寒發呃 三十三

嚴老夫人胸膈痞悶 三十四

王谷泉頭眩洩瀉汗出不止 三十五

方東望兩脇痛 三十六

一婦懷孕內熱咳嗽 三十七

一婦心痛唇紅虫症 三十八

倪二南內人小產小腹痛暈厥 三十九

倪少南右頰車浮腫疼痛 四十

倪少南內人經行如崩頭暈 四十一

高仰山內痔血裏急後重 四十二

姚娘子小腹疼 四十三

張五橋先生令政痰喘咳嗽 四十四

徐文學三泉令郎右脇脹痛四十五

王祖泉乃眷遍身痛四十五

費少垣乃眷孕痰喘胎逆四十六

費一吾令政孕子淋四十七

六娘子遍身痛汗大出昏昏如醉四十八

八娘子頭痛咳嗽痰多有血四十九

姚舟山內人胸脇痛五十

三垣渠令子室咳嗽心痛腰疼五十一

周子略血痰火作痞五十二

張分守腰膝痠痛 五十三

鄭春元頭痛內熱 五十四

徐老夫人胸膈痞悶 五十五

張麗川咳嗽多痰冀門發癰 五十六

陳仰山內人小產二月而血大下 五十七

張溪亭乃眷喉中梗梗有肉如炙燐 五十八

張溪亭令媳夢亡過祖母打其背 五十九

陳茂之勞倦色慾傷寒 六十

陳五山胃脘痛 六十一



吳小峰酒積作痛

六十二

沈大叅痰飲痞滿

六十三

王敬泉胸膈悶頭暈作吐

六十四

張二官傷寒

六十五

大司馬令媳產後暈厥發狂

六十六

李廉臧茗泉瘡後作痢

六十七

已繼可先生令眷孕而發瘡

六十八

吳比鄧公子病眼

有發明  
六十九

太守令侄筋痿

有發明  
七十

一書辦下治

七十一

韓愈憲令媳怒後夜卧不安

七十二

韓老夫人夜來臍腹痛甚

七十三

丁春元令郎瘡母

七十四

孫令君令媳產後譫語發熱洩瀉

七十五

吳來星先生楊梅風毒

有發明  
七十六

潘見所老先生小盛介疳積

有發明  
七十七

凌絳翁瘰癧火吐紅喘嗽

七十八

周鳳亭濕熱壅滯發熱煩躁

有發明  
七十九

周采石濕熱生痰痞悶

八十

又令孫女龜背

八十一

閔蜃樓虛損咳嗽令脊痛風奇疾

有發明  
八十二

金寄閒令堂痢而胸膈膨脹

八十三

徐中宇之婦汗出如雨昏又憤又胸膈要人足端

金達泉令政孕三月而痢赤白

八十五

金元岩赤白痢

八十六

金達泉瘕痢交作

八十七

金寄閒少陽陽明合病為瘕

八十八

七

淮陰胡少泉令即夢遺令愛發熱咳嗽又友人奇

疾八十九

吳氏婦隱疾九十  
有發明

染匠之婦腸癰九十一

王祖泉臟毒下血九十二

醫案二卷

明新安生生子孫一奎文垣甫輯

門人余煌

予

泰來

朋來

全閨梓

三異治驗

王文川令郎原傷飲食又傷於冷菱等物遍身發黃眼如金色夜發熱夫明則退腹痛手不可近號叫通宵市醫因其黃而曰胡苟真矣衆議以

草頭藥進予至。急止之曰。向以草藥幾誤其母。後欲誤其子乎。蓋脾胃喜溫惡寒。且此症乃食積釀成。而黃為濕熱所致。法當健脾。用溫暖之劑下之。濕熱去而黃自退。草頭藥性多寒。用之是損脾土而益其疾也。可用哉。即以保和丸一錢入備急丸五分。作一次服之。少頃瀉一次。又少頃連下三次。積物所下甚多。腹痛盡止。再與調中丸服一月。不但一身之黃盡退。而步履輕捷如飛。其父喜曰。神不誤我。問曰。始議進

草頭藥者十九而孫君獨叱其非。余不能決而  
決於神。神兄孫君服果有效。而吳我峰小樓等  
曰。亦孫君之藥神爾。設無孫君神。雖靈何所顯  
哉。衆拊掌而嘖。

施涇陽先生內人年五十八。左脇有痞。發升全  
咽間。即脹悶。不知人事。遍身皆脹。不能卧。小水  
赤。診其脉。兩寸關洪滑。六部皆數。予謂此痰火  
症也。痰生熱。熱生風。故每發。人事不知。爾乃與  
牛黃清心涼血丸同黑虎丹服之。夜遂得睡。人

事亦安靜。再以二陳湯加滑石竹茹鬱金薄荷黃芩前胡加燈心生姜煎服。全安矣。

屠侍軒尊眷。產一日而觸於怒。大便洩瀉昏憤。不省人事。大熱氣促。汗多。衆醫謂產後脉不宜太。今脉大而左手且散亂。又汗出喘促。法在不治。予曰。固然。書云。醫而不起者有矣。未有不藥而起者也。且不藥而視其死。與藥而或可圖生者。孰優。予試之。亟與人參五錢。白朮三錢。炙甘草一錢五分。炮姜二錢。肉蓯六分。五味子七分。煎。



服其夜遂稍睡。予竊喜補而得睡其陰陽和矣。次早脉果稍收。飲喘促亦緩。大便前半夜瀉三次。五更吸粥半盂。小便通利。大有生意也。再以人參阿膠固元氣。定喘為君。白朮炮姜補脾為臣。澤蘭葉退產後之熱。五味子欬神止汗。肉蓯止瀉為佐。甘草和中為使。五帖而安。

屠學恒先生乃眷以產後欠補。養而精神疲困。脾胃亦弱。腹中間作痛。作瀉。脉兩手皆濡軟無力。以六君子湯加藿香砂仁香附蒼朮澤瀉調理。

而安。<sup>四</sup>

周鑑泉令政。病傷寒。發熱譫語。口渴咳嗽。胃脘痛。洩瀉嘔吐。遍身發斑。診之六脉洪滑。予曰。此少陽陽明合病之症。勢亦重矣。急以升麻葛根湯加滑石五味子進之。服後汗大出。下午即退涼。而譫語止。晚進柴苓湯加五味子滑石。其夜瀉止。神思始清。次日左脉已和。右脉亦稍收。歛予喜曰。可無恙也。改用白芍藥為君。陳皮柴胡酒芩五味子牡蠣滑石茯苓澤瀉白朮。以收而

痊可五

大國博臧顧渚先生病兩耳掀痒唇燥舌乾咳吐  
濃痰脉左稍浮絃右洪滑此胃中痰火流入  
肺經鬱積久而生熱生風也先以總管丸導其  
痰又與黑虎丹祛其風熱繼以天荖粉薄荷鹽  
金葛根白桑子甘草黃連連翹蟬退煎服而安  
六

王南崗咳嗽氣湧不能伏枕吐痰不已下午微熱  
胃曷膨脹不知飽餓口乾舌上白胎厚小水短

少大便裏急後重間有紫黑血脉右關洪滑左手瀉據脉症胃中有瘀血痰積而肺氣亦虛也法當先補而後瀉以人參白朮白芍藥柴胡黃連陳皮半夏五味子桔梗與三帖後察其肺脉已旺乃與總管丸下之去黑血屑極多諸症悉減再與紅六神丸調理而痊七

張兆津乃政原有小便癃閉之症又小產後三日臍下作疼夜分發熱口渴大便澇日三四度先與補中益氣湯加大黃黃連澤蘭葉牡丹皮服之

連進三帖。大便實矣。惟小便頻數。滴瀝不斷。一日夜二十餘次。夜分尤多。精神甚憊。脉雖五至。不甚充指。此血虛有熱而氣亦滯也。濕熱在氣分。故口中渴。血虛故膝下痛。法當峻補其陰而熒滲其陽。以熟地黄三錢。黃柏一錢。補陰為君。萆薢去濕熱為臣。瞿麥穗澤瀉淡滲為佐。烏藥調氣甘草為使。服下臍痛全止。小便其夜亦不起。連進三帖。病脫然矣。<sup>八</sup>

陳光祿松巒翁長厚君子也。而存心博愛。常五更

胃滿脹疼。三吳名家遍延而治。寒熱溫涼藥味  
備嘗。竟無一効。禮子診之。右寸軟弱。左平。兩尺  
亦弱。予曰。此肺腎二經之不足也。補而飲之。可  
無恙矣。以補骨脂山茱萸人參各三兩。鹿角膠  
鹿角霜各五兩。杜仲巴戟白茯苓車前子各一  
兩五錢。乾山藥二兩。鹿角膠酒化為丸。空心淡  
鹽湯送下。又以御米壳去筋膜蜜水炒三兩。訶  
子麴煨去核一兩。陳皮一兩半。煉蜜為丸。五更  
枕上白湯送下一錢。服一月。病不再發。翁由是

交予極驩也。及見予玄珠稿。大稱快。語曰。醫家  
凡得一方。輒自秘。以為高。君獨欲公諸人。是有  
意於壽蒼生者。亟付剞劂。予當助梓。因手錄予  
百餘方。製丸散以施。而亦無人德我之望。九  
溧水令君吳湧瀾公尊夫人。每五更倒飽。必瀉一  
次。腹常作脹。間亦痛。脉兩手寸關洪滑。兩尺沉  
伏。予曰。此腸胃中有食積痰飲也。乃與總管丸  
三錢。生姜湯送下。大便雖行。不甚順利。又以神  
授香連丸和之。外用滑石甘草木香枳壳山查

陳皮白芍藥酒連調理而安。十

李悅齋先生夫人。胃脇大腹作疼。譫語如狂。寅卯辰三時稍輕。午後及夜痛甚。晝夜不睡。飲食不進者十八日。究其故。原有痰火。與頭疼牙疼之疾。又因經行三日。後頭疼發寒熱。醫以瘡治。因火惡熱。三四人交扇之。而兩手浸冷水中。口噙水而不嚥。鼻有微衄。又常自悲自哭。目以多哭而腫。痛時即壁上亦欲飛去。劇則咬人。小便直下不固。喉梗梗。吞藥不下。脉則左絃數。右關洪。



滑予曰。此熱入血室症也。誤服治瘡剛燥之劑。而動痰火。以致標本交作。諸人猶謂熱入血室。當夜間譫語如狂。如見鬼。何至胸脇疼劇咬人也。予曰。仲景云。經水適來。適止得疾。皆作熱入血室治之。治全少陽。而以小柴胡湯為主。加涼血活血之藥。此古人成法可守也。痛極咬人者。乃胃虛虫行求食。而不得。故喉中梗梗然也。即以小柴湯加桃仁丹皮而譫語減。次日以安睡湯與服而疼隨止。飲食進。遂駸駸有生意。十一

吳仲峰先生邀予診時為仲秋初二日也六部皆  
沉微而左尤甚隱隱如珠絲之細症則原以腸  
風去血過服寒涼致傷脾胃自春至秋脾洩不  
愈日夜十二三行面色黃白帶青兩頤浮腫四  
肢亦浮小水不能獨利利必與大便並行腸鳴  
四肢冷口不渴飲食大減口唇齟肉皆白其為  
人也多憂思夫四肢者脾之所主清冷為陽氣  
不充兩頤乃腎經部位浮腫益見腎氣之不足  
也脉沉微與面色黃腫皆屬於濕書云諸濕腫

滿皆屬脾土。合脉症視之。由脾虛不運。積濕而然。虛寒明矣。病至此。勢亦甚危。第形症相符。色脉相應。又能受補。庶幾可生也。法當大溫補。升提。以東垣益胃升陽滲濕湯。加減調理。人參三錢。白朮五錢。黃耆二錢。茯苓益智仁。蒼朮澤瀉。各一錢。大附子五分。炮姜炙甘草升麻。防風各五分。連服八帖。諸症悉減。乃囑之曰。病雖暫愈。宜戒生冷憂思。庶服藥有效。切勿輕犯。犯之非藥石可回也。翁曰。諾。敢不唯命。十二

張後溪先生令孫遍身瘡疥浮腫腫自足背起漸  
腫上大腿今且至腹大便洩瀉發熱不得安寢  
此風濕之症當令與時違之候治從開鬼門潔  
淨麻二法使清陽升則瀉可止小水利則浮腫  
可消上下分去其濕之意也蒼朮一錢薏苡仁  
桑白皮各三錢青蒿防風升麻柴胡各五錢大  
腹皮五加皮赤茯苓澤瀉各六分八帖全安十  
三

府佐張五橋先生夫人患喘嗽夜分氣壅不能仰

同體素弱脉右滑大左細弱每咳嗽必連連數  
千聲痰不易出甚至作吐以東垣人參平肺散  
加減治之四日而愈人參桑白皮地骨皮青皮  
茯苓五味子知母滑石麦芽天麻粳米甘草水  
煎服夜與白丸子十四

方東堊患脊骨痛牽引胃腹皆疼舌上黃胎甚厚  
脉沉滑而數先與川芎羌活炙甘草蒼朮姜黃  
防風藁本枳殼桔梗柴胡服之服後背脊痛減  
腹仍痛與木香檳榔姜黃香附青皮酒連大瓜

姜柴胡川芎服之腹痛稍減。腰疼甚。知其痰積下行。欲去而不能也。即以木香檳榔丸下之。連行三四次。舌上黃胎始退。腹痛全止。脉亦軟弱。改以人參當歸白芍甘草茯苓陳皮白芥子香附柴胡青皮白朮調理而安。<sup>十五</sup>

張淨字文學發熱腹疼。淺瀉口渴。嘔吐不止。時師有認寒者。有認熱者。有認傷食者。予至診之。曰。此時痰瀉也。以二陳湯倍白朮加青蒿葛根酒芩白芍藥猪苓澤瀉滑石一劑而安。<sup>十六</sup>

張一尹近川翁始以內傷外感過服發散消導之劑致胃脘當心而痛六脉皆絃而弱此法當補而斂之也。白芍藥酒炒五錢炙甘草三錢桂枝一錢半香附一錢大棗三枚。趁糖一合煎服一帖而瘳。十七

閔文川先生。肚上生一腫毒。月餘膿潰矣。但稍動則出鮮血不止。大便結燥。胃滿飽脹。飲食不思。脉兩寸短弱。關絃尺洪滑。此氣虛血熱陷於下部。法宜補而升提也者。不然痔漏將作。可慮也。

黃耆二錢。歸身地榆槐朮枳壳各一錢。升麻秦  
朮各七分。荊芥穗五分。甘草三分。服後胃滿寬  
惟口苦甚。前方加酒連連翹各五分而愈。十八  
予古愚先生。每食後即大便。腹皮稍脹急。胸膈飽  
悶。醫與參朮則痞悶愈甚。小水清而長。予脉之。  
左寸瀉。右寸滑。按之如黃豆大。且鼓指。關尺之  
脉皆絃小。左尺脉遲。遲有神氣。撫脉乃積痰鬱  
於腸胃。能出以致大便之氣不固也。法當効  
升溪治。乃散用吐。吐去上焦痰積。而大便自實。



矣。先用苦梗蘿蔔子各三錢。白豈仁橘紅山梔  
仁各一錢。川芎五分。生薑三片。蔥三根。水煎服  
之。取吐。服後半時許。惡心吐。出清痰。心惡之勢  
雖有。乃痰積膠固。猶不易出。又以蘿蔔子一合。  
搗漿水。加蜂蜜與半碗飲之。始吐出膠痰二碗。  
餘。平日每小水。則大便並行。吐後小水始能獨  
利。連行三四次。而胸腹寬舒。初亦以吐為懼。至  
是豁然稱快。大便五日不行。始以予言為不謬  
也。再以二陳湯加白朮旋覆荅麦芽調理而全。

可矣十九

婦惠齋先生夜多洩瀉瀉必三五次甚且十數次  
小腹時作疼按亦疼口不渴小便長醫半年不  
愈予診之左寸滑餘五一部皆濡弱此陽氣大虛  
虛中有寒也治當溫補下元煎之升舉人參一  
錢半黃耆白朮各二錢白芍藥酒炒三錢大附  
子五分肉桂一錢杜仲補骨脂各一錢半升麻  
防風各七分姜枣煎服其夜大便減半次早雖  
瀉俱是白積如二三日伏小腹痛止再診之右

脉稍起連服四帖而瘳翁喜言曰抱病半年藥  
無虛日今收功於四劑何速哉認病真而投劑  
確也敢不銘心。二十

大京兆姚盡老夫人年幾七十右手疾不能上頭  
醫者皆以痛風治不効益加口渴煩躁請予診  
之右手脉浮滑左平予謂此濕痰生熱熱生風  
也治宜化痰清熱兼流動經絡可瘳也二陳湯  
佐加歲靈仙酒芩白朮秦艽四劑而病去如  
脫。二十一

一僕發熱頭疼口渴腹疼小便赤大便瀉日夜不  
睡者六日子診之曰據脉汗後浮數熱尚不減  
乃疫症也以滑石三錢青蒿葛根白芷片苓各  
一錢半炙甘草升麻各五分一帖即得睡熱減  
大半頭痛全除惟小水赤頭暈脚膝無力此病  
後血虛之故以四物湯加青蒿酒苓薏苡仁服  
之而安。二十二

一僕病與前類而身如火爍頭痛如破大便不瀉  
小水赤口渴鼻乾不得眠胸膈膨脹腹飢不能

食六脉絃而數用竹葉石膏湯加知母枳壳白  
芷葛根大加青蒿一帖而熱痛減半胸膈亦寬  
惟口渴小水短濇睡卧不安又與化瘟丹三錢  
井水化下渴止稍得睡頭暈脚軟喘急與四物  
湯加青蒿酒苓薏苡仁木瓜服之全安二十三  
一僕之病亦與前相俱以服立一齋藥而大吐大  
瀉熱益增頭痛莫能當煩躁口渴鼻乾嘔吐小  
水短澁寢食廢者十四日勢甚危急詢前所服  
藥乃藿香正氣散加砂仁厚朴山查大耗元氣

之味。且五月火令當權之疫。當以甘寒之劑治之。何可以辛熱香竄者益其火而枯其津也。其勢危矣。此皆不知因時達變。惟習常膠故以誤人者。用急投人參白虎湯加竹茹葛根青蒿升麻一帖而熱除。再帖而頭痛止。諸症盡去。後連治數人。多如此類。何也。此天行之疫。故一方見之。治多先以甘寒清解之劑。投之熱退。即以四物湯以補陰血。稍加清熱之劑。而青蒿之功居多。此固一時自得之愚。用錄之以告同志者。使

知治法當隨時俗為變而常套不可不脫也。  
十四

馬鳳陽文學。五月患咳嗽。內熱。額上多汗。惡風。脉  
左絃數。右滑數。予曰。據絃數為陰虛滑為有痰。  
不亟調治。恐成虛怯。以白芍藥。川歸。茯苓。五味。  
子。白朮。甘草。陳皮。貝母。天冬。粉酒。苓。麥冬。知母。  
桑白皮。十帖。諸症皆瘳。七月復瘳。間日一發。寒  
熱相半。寒熱亦俱極。渴甚。上身汗多。以石膏五  
錢。人參。黃耆。白芍藥。麥冬。知母。各二錢。柴胡三

錢桂枝甘草陳皮貝母各一錢竹葉三十片一帖而愈。二十五

倪二南先生內人小水不禁一日二十餘起脉右寸洪而有力左寸虛右尺沉微此心腎不交之症也以當歸遠志丹參牡丹皮桑螵蛸人參山茱萸益智仁黃柏知母為丸服之五日而安後凡遇辛苦則發以此服之立効。二十六

杜史嚴印老長媳少司空沈鏡老女也患腹痛有小塊滿又寒腹寒甚兩寸關皆滑數兩尺皆



沉微此脾氣弱而飲食不消又當秋令濕淫之  
候不利亦瀉宜預防與白朮蒼朮茯苓甘草白  
朮仁木香半夏陳皮澤瀉煎服其夜果瀉一度  
次早又瀉一度小腹仍疼不少減且裏急後重  
蓋其稟賦素虛當補中兼消兼利白芍藥三錢  
桂心一錢甘草人參茯苓澤瀉陳皮白朮各八  
分升麻葛根各六分服後脉皆軟弱不滑薑塊  
亦消改以人參黃芪白朮白芍藥各二錢炙甘  
草陳皮澤瀉葛根柴胡茯苓各一錢調理而全

新市陳鹿塘先生原有腸風臟毒之症。大便燥結。數日不能一行。痛苦殊甚。此胃寒腸熱之症。其脈兩寸皆數。兩關皆絃而無力。兩尺洪滑而左尤甚。診畢。渠告予曰。病數年。百醫不効。望生難矣。聞公治多奇中。冀一奇而生之。實再造之恩也。予憐其苦。而俛想久之。因思李東垣有云。大腸喜清而惡熱。脾胃喜溫而惡寒。以胃屬土。而大腸屬金也。今治腸胃相兼之疾。必寒非婁。

各上下月  
藥用真  
法人所不  
知也

熱非灼灼始可乃詳酌一方專以腸風臟毒之  
藥為君主外以養血之劑累之使不傷胃氣蓋  
藥先入胃而後傳入大腸入胃時累藥未化及  
入大腸則累藥化而君藥始見庶幾兩不相妨  
亦假道賊虜之策也因以大黃酒浸九蒸九晒  
者二兩槐花三兩木耳二兩郁李仁皂角子象  
牙屑條芩各一兩血餘炭升麻荊芥穗各五錢  
為末煉蜜為丸赤豆大分以四物湯加蒲黃各  
一兩為和米湯送下空心及下午各服二錢服

此果然血止而大便不燥。飲食日加。鹿塘大喜。  
曰。古稱用藥如用兵。奇止相生。鮮有不克敵者。  
其公之謂乎。二十八

張道南先生內人。以飲食忤於氣。因腹痛。不飲食。  
五日矣。逆予診之。兩寸關絃。尺滑。予曰。此上焦  
氣虛。下有鬱滯也。以姜黃、青皮為君。山查、枳榔  
當歸、杏仁、烏藥、枳殼為臣。柴胡、木香為佐。吳茱  
萸為使。服後氣稍順。然後用葱二斤。煎湯浴洗  
腰腹。即將熟葱擦摩腰腹。使氣通透。洗畢即安。

目少頃其夜大便通先下皆黑硬結塊後皆水  
此積滯行而正氣虛也以建中湯加山查茯苓  
澤瀉柴胡香附姜連調攝之而痊二十九

張道南先生尊堂老夫人以勞倦致早晨鬲上有  
痰痞而惡心每食熱物目中即出泪脉右寸關  
皆滑左寸短弱此心血不足而肺胃有痰也以  
六子湯加麦芽白豆仁旋覆花治之而愈三十  
馬迪庵先生內人原以飲食過傷又為風寒外襲  
醫以內傷外感治之後復至五更發熱唇燥胸

中衝跳不已手足皆冷脉兩寸俱滑數予謂此  
奇痰症也以小陷胃湯加白芍藥蘿蔔子前胡  
酒苓二帖夜半大便行下蛭虫八條胸中即不  
衝跳但覺力怯再診之兩寸減半尺脉稍起以  
二陳湯加白朮白芍藥酒苓調理後四帖加當  
歸而全愈

大宗伯董潯老夫人常眩暈手指及肢節作脹脉  
右寸軟弱關滑左脉絃長直上魚際兩尺皆弱  
此亢而不下之脉難經所謂木行乘金之候也

上見系  
有系  
印

總由未生育而肝經之血未破。內經云。肝  
掉眩皆屬肝木。兼有痰火。治當養金平木。培土  
化痰。以白朮半夏天麻湯正。與此對服。兩帖而  
眩暈平。再與六君子湯加天麻白姜。蠶以治其  
顛。加白芍藥以瀉肝。麥門冬人參以補肺。金麥  
芽枳實神麴蒼朮以健脾。使宿痰去而新痰不  
生。少用黃柏二分。為使引熱下行。令不再發。三

張裕齋惡寒痰多作呃。胃脘不寬。兩寸俱短弱。關

洪大尺瀉此上焦氣虛中焦有痰下元不實也  
法當清中補下不然後將有中風之患二陳湯  
加白豈仁香附藿香以開胃氣白芥子蘿蔔子  
杏仁以降痰而潤大便西帖諸症悉去乃錄八  
味腎氣丸方與之令自調理三十三

大柱史嚴印臺夫人年近六十已孀居十年餘以  
孀居而食長素其婿張懷赤善予語曰外母近  
鼻塞大便瀉胸膈不暢醫者下之蓋其年曰王  
海藏有云雜病酒積下之早必成痿滿所當慎



也。用桂子診之，兩可沉弱，則絃大，兩尺亦弱。予  
曰：此陽氣甚弱，脾氣大虛，不當下而誤下之故。  
鼻作塞而胸痞悶也。用蒼朮、川芎、桂枝、白芷、防  
風、桔梗，以疎風而升陽氣。白豆仁、蘿蔔子、寬胸  
利膈、麦芽，以助脾氣。服後鼻不塞而胸猶痞，復  
用東垣木香化滯湯。如吳茱萸、乾姜而安。乃囑  
之曰：病雖漸愈，第陽氣虛，脾氣弱，不宜久食素  
恐中氣不充，防作中風。洵謹識之。謹識之。三十四

王谷泉大便作瀉，上身熱，耳中壅塞，頭眩，暈，胸膈

不寬口渴痰多咳嗽六脉俱濡弱汗大出此正

氣大虛或由尅伐太過所致當以補養為先人

參白朮白芍藥酒炒各四錢柴胡石菖蒲陳皮

各一錢炙甘草五分澤瀉茯苓各一錢西服而

神清面寬脾健惟汗不斂眩暈未除再與人參

白朮黃耆酒炒白芍藥各二錢炙甘草五分大

附子五分桂枝三分澤瀉一錢而愈三十五

方東塾兩脇痛上壅至胸發熱飲食不進脉左手

沉而絃數乃積氣也石手渴痰飲也關脉濡弱

沉而絃數乃積氣也石手渴痰飲也關脉濡弱

脾氣不充也。據症或然。怒故痛之暴耳。治當  
先去積熱消痰氣。然後用補瓜蒌仁六錢枳殼  
姜連半夏各一錢半白芥子一錢牡蠣二錢炙  
甘草五分柴胡一錢五分二帖諸症盡去。飲食  
進矣。然恐其復發也。當歸龍會丸使行之。以  
刈其根。服下果行二三次。三十六

一婦人懷妊七月內熱。咳嗽胸膈飽悶。以條芩二  
錢瓜蒌仁白芍藥紫貝母桑白皮各一錢甘  
草三分枳殼紫蘇梗。一母陳皮各七分。二帖而

愈三十七

一婦人心痛唇紅痛則大發熱頭疼少頃出汗脉  
大小不一予曰此氣痛之症痛吐白沫可徵也  
栝榔川椒各二錢杏仁一錢五分石菖蒲一錢  
烏梅七個炮姜草豆仁陳皮各五分山梔仁一  
錢一進而痛減半再進而痛全除三十八

倪二南內人小產後小腹疼痛夜分作熱作暈予曰  
此氣血虛而惡露未盡也川芎一錢半當歸三  
錢澤蘭益母草香附升參各一錢人參七分

升糖五分山查桂皮各一錢一帖而小腹痛止  
再帖而熱暈悉除三十九

倪少南右頰車浮腫而疼直衝太陽大發寒熱西  
手寸關俱洪大有力此陽明經風熱交扇所致  
以軟石膏三錢白芷升麻各一錢葛根二錢生  
熟甘草一錢薄荷山梔子牡丹皮連翹各十分  
天荅粉貫衆各一錢半兩帖腫痛全消四十  
倪少南內人經行如崩勢不可遏頭暈眼疼脉右  
寸極軟弱左近駛此氣虛血熱之候由氣虛而

血不固也。仲景云：血脫益氣，特用人參、黃耆各三錢，白朮二錢，粉草五分，荊芥穗、蒲黃、側柏葉、姜炭各一錢，三帖全瘳。

四十一

高仰山內人，痔血裏急後重，飲食入腹，大便即行，晝夜行五六度，五更咳嗽，喉中痰响，肌肉脫口，作渴，由服痔科涼血之藥過多，致脾虛不能統血也。脉六部皆軟弱無力，以四君子湯加荊芥穗、秦艽、陳皮、炮姜，四帖而飲食進，血全止。嗽定而睡寧，後減炮姜，又四帖而數年

不發矣四十二

姚娘子小腹疼飲食及藥入腹皆疼疼來遍身無力此由血崩而致宜急治之。人參黃耆各二錢白朮一錢茯苓陳皮各八分白芍藥貫衆各一錢姜炭荆芥穗蓮蓬壳燒各三分煎服而安四十三

張五橋先生令政鄭都諫春霖公今姊也。痰喘不能伏枕且咳嗽甚則吐痰涎枕餘乃止。以旋覆花湯為主治之。旋覆花紫菀子各一錢半夏一

錢五分厚朴桂皮粉草各三分茯苓陳皮桑白  
皮葶藶子各八分姜三片水煎服臨卧以養正  
丹二十粒白湯送下兩帖痰嗽喘各減十之七  
乃去葶藶子加白芥子蘿蔔子二帖而痊四十  
四

徐文學三泉先生令郎每下午發熱直至天明夜  
熱更甚右脇脹痛咳嗽吊疼坐卧俱疼醫以瘡  
治罔效延及二十餘日熱不能退後醫謂為虛  
熱投以參朮為主適遇子診之左絃大右



滑大搏指予曰內經云左右者陰陽之道路據  
脉肝胆之火為痰所凝必勉強作文過思不決  
木火之性不得通達鬱而為痰夜甚者肝邪實  
也初治只當通調肝氣一劑可瘳誤以為瘡燥  
動其火補以參朮閉塞其氣書云體若燔炭汗  
出而散今汗不出舌上之胎已沉香色然之極  
矣設不急治立見凶危乃以仲景小陷胸湯為  
主大瓜蒌一兩黃連三錢半夏麴二錢前胡青  
皮各一錢水煎飲之被服當歸龍會丸微下之

歸而遍身痛止。四十六

諸公猶爭之曰。病久而食不進。精神狼狽。若此寧可下乎。予曰。經云。肝常有餘。且脉亦為有餘。故有餘者瀉之。前時誤認為虛。投補左矣。豈容再誤哉。服後夜半痛止。熱退。兩帖全安。四十五王祖臬乃眷。朝飯後稍寒。惡風發熱。遍身疼痛。汗大出不止。口中熱。腹中不知餓。小水短。六脉皆瀉。以白芍藥五錢。白朮二錢。桂皮黃芩各一錢。甘草八分。二帖而汗止。寒熱除。減去白朮加寧

費少垣乃眷姪已九月痰多喘嗽胎氣上逆眼撐  
不起兩太陽微疼予曰此子懸症無痰火也以  
大紫蘊飲為主繞服一帖逆即不逆腦高煩寬  
惟喘嗽不止與七製化痰丸而安四十七  
費一吾先生令政姪已四月夜不能睡小便淋痛  
痰嗽內熱脉右關滑左寸微弱兩手皆數與橘  
紅貝母片苓黃連茯苓澤瀉枳壳蘊梗前胡水  
煎服之其夜即能安寢次日再以四君子湯加  
當歸香附貝母陳皮條苓紫蘊梗前胡調理足

月而產一子。四十八

令弟媳六娘子。遍身痛發熱。汗大出。昏昏如醉。卧不能起。兩寸脉短弱。兩手皆數而無力。此勞倦之餘。故汗大走也。黃耆三錢。白芍四錢。粉草一錢五分。桂皮八分。當歸一錢。石斛二錢。一帖。熱除。痛汗皆止。惟倦而不能起。仍以前方加人參陳皮。兩帖而痊。四十九

八娘子。頭痛咳嗽。痰多有血。夜分發熱。喉中常作血腥。每經水行。必腹中先痛二日。用香附壯

丹皮。滑石。甘草。桃仁。川芎。當歸。柴胡。白芍。山梔。  
子。茅根。八帖而瘳。五十

姚弁山老先生內人。自上年十月左足不能履地。  
至十二月產後。忽好三日。復不能動。時常胸脇  
作痛。素多痰火。而治者率以四物湯。天麥門冬  
為主。間服獨參湯。服將弥年。而病如故。予診之。  
兩寸脉俱洪滑。而數夜分發熱。此係溫痰凝滯。  
補塞太重。故遷延不脫。乃以二陳湯加蒼朮黃  
柏。葳靈仙五加皮。生地黃。白芥子。白芍藥。當歸。

兩帖胸脇痛止熱除再加意以仁八帖而足能  
舉步矣五十一

李坦渠老先生令子室十月發寒熱起一日一發  
咳嗽心痛腰亦痛至次年正月十七日始間日  
一發肌肉大瘦喉疼汗出如雨白帶如注飲食  
減少百試而汗不止延予為診其脉右手軟弱  
左手散亂此汗多而脉不斂病勢至此危之甚  
矣書云火熱侶瘡此病之謂歟以黃耆三錢白  
芍一錢五分粉草阿膠各一錢鱉甲三錢桂枝

五分烏梅一箇水煎服其夜汗止次早診之左  
脉已歛神氣亦回前方加何首烏石斛牡蠣其  
日寒熱亦不發飲食稍加騷然有幽谷回春  
之象五十二

太學周衡字先生吳江瀾溪人大家宰白川公之  
令孫也近來咯血色紫胃中痰火素盛壅於胸  
膈作痞作疼痰與瘀血挾而為熱脉左寸洪大  
右寸關皆滑兩手盡數此有餘之候總管九四  
錢再以滑石桃仁各三錢山查二錢枳壳梔子

貝母紅荅丹皮各一錢茅根五錢水煎服之次  
日大便行三次痰積極多內帶瘀血改以山梔  
子紫苑丹皮各一錢滑石三錢桃仁一錢五分  
小蘗三錢茅根五錢水煎加童便一酒盃三帖  
全安五十三

大叅張公分守杭嘉湖道因喪夫人衙中亡者八  
口心中惶又因凌絳翁交厚而禮予為診左寸  
脉短關絃右關滑兩尺亦絃據脉心血不足中  
焦有痰流於下部凝於經絡故腰膝痠疼居



常背心作脹頭多眩暈夜睡多汗先時諸醫悉  
投風劑非所宜也予以陳皮白芍藥木瓜十朮  
五加皮以仁黃柏酒芩甘草生地當歸藏靈仙  
調理十劑諸症悉愈五十四

夫都諫鄭春寰老先生為春元時頭痛內熱八夜  
尤甚汗出如流通宵不止小水短赤舌上黃胎  
右脇脹疼先與桂枝白虎湯一帖解其內熱飲  
去浮汗再與白芥子一錢瓜蒌仁四錢枳實姜  
黃又連各八分水煎服外與當歸龍會丸一錢

五分下之而脇痛安

五十五

大參徐天目老夫人胸膈痞悶不思飲食咳嗽多痰或時惡心上焦頭目俱不清利向來長素兩寸關滑大如豆兩尺沉微痰火症也二陳湯加酒苓薄荷前胡枳壳蒼朮香附薤金川芎調理而安五十六

張麗川咳嗽多痰面青潮熱肌瘦性躁而多自用以數考不利肥又成疾又新婚之後飲食不節脉之右關滑大餘部皆無神氣且冀門已發癰

瘧潰流膿血予曰此陽病極而下也法在不治  
果不逾月而亡五十七

陳仰山先生內人小產後二月而血大下白沫如  
注五更洩瀉至虛浮下午身熱口渴面色青黃  
脉右手豁大近乳左濡弱據此大虛之候血海  
尚有瘀血不盡以致新血不得歸源稍動氣即  
下如崩蓋脾乃統血之經虛則不能約束且面  
浮食少脾虛矣急宜溫補勢或可為人參白  
朮各二錢姜炭粉草各五分茯苓六分香附八

分丹參炒過一錢水煎服四帖而瀉止再以人參白朮各二錢茯苓丹參黃耆蒲黃各一錢姜炭澤蘭葉粉草各五分調理全愈五十八

張溪亭乃春喉中梗梗有肉如炙轆吞之不下吐之不出鼻塞頭運耳常啾々不安汗出如雨心驚胆怯不敢出門稍見風即遍身疼小腹時疼小水淋瀝而疼脉兩寸皆短兩關滑大右關尤搏指此梅核氣症也以半夏四錢厚朴一錢紫蘗葉一錢伍分茯苓一錢三分姜三片水煎食

後服每用此湯調理多效五十九

亭子室姪已七月夢見亡過祖母揮拳背打一  
下驚醒即覺胎動不安血已下大小便皆急腰  
與小腹脹疼者五日此亦事之奇也遂予為治  
兩寸脉俱短弱此上焦元氣大虛當驟補之人  
參阿膠黃耆白朮各二錢當歸白芍條芩杜仲  
各一錢砂仁香附各五分亭根嫩皮三錢葱白  
六錢一劑而血止兩劑諸症悉除而神漸安四  
帖後減去亭根葱白調理旬日足月而產一女

陳茂之。勞倦之後。勉強色慾。精竭而血繼至。續感風寒。發熱頭痛。胸膈飽悶。始從太陽而傳至少陽。胸脇痞痛。而耳聾。嘔逆口苦咳嗽。六脉俱絃數。此少陽<sup>三陽</sup>症也。以小柴胡湯加枳殼桔梗竹茹而嘔逆止。熱退。因進粥。早復熱。口渴。小水不利。大便一日夜六七次。所行皆清水。日晡熱甚。舌上苔胎昏沉。振顫。此食復之候。書云。渴而小便不利者。當先利其小便。以猪苓湯為主。猪苓澤瀉

各二錢滑石三錢赤茯苓一錢柴胡八分升麻  
木通各五分連進二帖小便利而大便實但熱  
不退以六神通解散一帖其夜熱仍不退次早  
診之左脉不絃數矣兩寸脉虛以故服藥無汗  
口渴漱水而不欲嚥咽熱此邪傳陽明經不急  
涼血必作鼻衄病勢至此可謂極惡矣投黃芩  
芍藥湯合生脉散以止嗽渴用葛根湯以解肌  
熱白芍藥三錢葛根升麻黃芩各一錢人參一  
錢五分麥冬滑石各三錢甘草五味子各五分

烏梅一枚急煎二帖飲之。日中大便下燥糞十數枚。始得微汗。就得睡矣。晚進粥一盂。夜卧向安。六十一

陳五山胃脘疼。醫作勞倦治不効。又醫作寒氣治。而用剛燥痛轉極。又醫以巴豆丸下之。大瀉皆水。亦無積滯之物。痛雖稍減。然面有虛浮。胸痞足腫。又張醫以人參白朮各二錢。大補脾胃。則痰嗽氣逆。上膈熱甚。喉嚨乾燥。右脇不能貼席。大便一日二三行。因向被惡豆丸瀉起。迄今七



日。猶瀉不止。飲食大減。延予為治。診兩寸濡弱。兩關滑。兩尺洪大。予曰。據症原起於鬱。大氣投湯劑。大推大搬。以致加重。若平平治之。自當尋愈。二陳湯加藁朮、枳實、姜黃、橘梗、蘿蔔子、前胡一帖。而熱嗽除。右脇亦可貼席。再劑而飲食進。大便實。其晚又為怒氣所加。痰嗽脇痛如舊。且多煩躁。改用橘紅、貝母、瓜蒌、茯苓、山梔子、前胡、青皮、甘草、桑白皮、蘿蔔子。水煎飲之。而平。六十

二

吳小峰年五十。未有子。素有酒積作疼。晌午即瀉。  
所下多稠粘之物。脹痛之疾。年已久矣。治當清  
潔中焦。分濕熱。兼養脾。法用白滑石三兩。粉草  
肉蓯各五錢。白芍藥酒炒一兩五錢。木香三錢。  
紅麴四錢。神麴糊為丸。每早晚白湯送下二錢。  
服未竟而疾除。始舉一子。六十三。

沈大參王陽老先生。中焦有食積痰飲而作痞滯。  
以故大便秘了而不了。間或作脹。予脈之。兩寸短  
弱。關滑。兩尺沉滑有力。予曰。脾胃虛弱。痰滯。

而為熱。但清其中宮。使清陽升。濁陰降。而氣血自旺。此不補之補也。以二陳湯加枳實酒連酒。芩滑石姜黃木香乾葛山查西劑而愈。六十四王敬泉頭暈且痛。起則倒仆。胸膈脹悶如繩束縛。嘔吐而食飲皆不得入。六脉俱瀉。此痰飲挾木火之勢。而作暈也。先以濟生竹茹湯而吐不止。且煩躁發飢發熱。再與蘆根湯連進二碗。氣飢稍定。再以吳茱萸一兩為末。以鷄子清調塗兩足心。引火下行。外用二陳湯加姜汁炒黃芩黃

連旋覆卷枇杷葉丁香白芷仁桂榔柴胡水煎服之服後熱退大便亦行頭暈嘔吐皆止惟胃脘有一塊作疼仍與前藥兩劑而塊亦消六十五

張二官發熱頭痛口渴大便秘結三日未行脉洪大此陽明少陽二經之症用大柴胡湯行三五次所下者皆黑糞夜出臭汗次日清爽惟額上仍熱用白虎湯加葛根天荅粉因食粥太早復發熱咳嗽口渴殊甚且惡心用小柴胡加枳實

山梔子麥芽。次日渴不可當。改以白虎湯加麥  
門。冬天苓粉外與辰砂益元散。以井水調下。五  
錢熱始退。渴始定。不虞夜睡失蓋。復受寒邪。天  
明又大發熱。不知人事。急用小柴胡湯加升麻。  
葛根。前胡。薄荷。進之。而汗出熱退。神思大瘳。四  
肢皆冷。語言懶倦。且咳嗽。以生脉散加石斛。百  
合。大棗。白芍藥。服後咳嗽尋止。精神日加。飲食  
進而向安矣。六十六

大司馬潘印川第三令子室。尚書蔣公孫女也。年

二十五體素弱。語言端謹。因難產傷力。繼以生女。拂意後。又女死。悲戚即時。暈厥醒而神思昧。手足瘳瘳。目作上視。予更後始至。因瘳瘳不能診脉。細詢之。自女落地。惡露絕無比。有女醫在旁。乃昔所親信者。時與人參大嚼。及獨參湯并粥亂進。參與粥皆壅塞。而上下。以故神昏瘳瘳不已也。予教以手於喉中探而吐之。喜其隨手吐出。痰飲粥藥盈盆。瘳瘳方定。乃與川芎山查澤蘭葉陳皮半夏茯苓附連之。稍得睡。

予亦出中堂就寢不虞女醫又私與補藥二帖  
子丑時陡然狂亂如降神之狀口中訖語云我  
是觀音大士降壇所言皆儒雅官話問答如流  
聲甚壯厲殊無產後不足之態生平不諳漢聲  
至是出語如生成者人皆異之目為神附襍禱  
百般予獨諍之語諸左右曰此惡露不盡乃蓄  
血如見鬼之症非真有神佛相附也徐以正言  
叱之即緘默繼以清魂散加滑石童便與之至  
天明小水乃行狂亂皆定迨予出房少頃詎知

女醫意欲要功。又不知與何藥服之。少刻狂亂如前。再與川芎一錢五分。當歸四錢。澤蘭葉益母草各一錢。臨服加童便連飲二帖。不効。予逆思之。胸中必有餘痰作滯。前劑中無佐使之品。故藥力不行也。即用前劑大加山查與之。惡露稍行。神思即靜。嗣後稍睡少時。手足微動。或自以手掌其面。或自以手搥其胸。昏亂不息。診其脉近虛。早間面紅而光。申酉時面色白。此血行火退。故脉虛而當補矣。與人參川芎澤蘭葉各



一錢當歸山查各二錢茯苓陳皮各八分捲荷  
葉一片煎熟調琥珀末子五分服下半時許噉  
氣二聲予喜曰此清陽升而濁陰降矣自茲安  
靜夜中惡露微行大便亦利乃索粥飲問其昨  
日漢聲何來荅曰不知也諸君始信蓄血如見  
鬼之言為不謬晉秦越人有言曰病有六不治  
信巫不信醫一不治也古稱用藥如用兵以郭  
子儀之英明而以魚朝恩監之便不成功予固  
非郭令公之儔彼女醫之誤則又有過於魚朝

恩矣。意寧不慎哉。六十七

孝廉臧茗泉老先生。脉左絃數。右寸弱。關大。重則滑。右尺微。原以瘧後復傷。飲食大便秘。而變痢。一日夜雖只五六行。皆積滯無異。其腹疼後重難安。午末後發熱。至天明始退。此夏傷於暑。而秋為瘧癘也。其熱仍瘧之餘邪。當先解散。然後以補劑投之。則大便自愈矣。與神機香連丸一服。服訖。腹中腸鳴。須臾大便秘行。且較前更多。方有糞下。改以白芍藥四錢。澤瀉黃連各一錢。滑石

二錢粉草桂皮木香各四分。山楂七分。兩日後  
乃與補中益氣湯加木香黃連白芍藥調理半  
月。潮熱大便皆愈。六十八

已繼可先生令眷孕三月而瘕疾發。先寒後熱。胸  
膈大脹疼。口渴。湯水入即吐。譫語無汗。胎氣上  
衝。而成子。懸脉皆絃大。以川芎紫胡黃芩知母  
甘草橘紅紫蘂枳壳砂仁。水煎服之。吐止痛除。  
六十九

一張氏婦。年纔二十一。其夫延予診之。左寸關短

弱尺滑。右寸亦滑。關濡弱。尺沉微。診畢問予曰。脉何如。予曰。心神脾志皆大不足。肺經有痰。夫曰。不然。乃有身也。予曰。左寸短弱如此。安得有孕。夫曰。已七十日矣。予俛思久之。問渠曰。曾經孕育否。夫曰。已經二次。今乃三也。予問二產皆足月否。男耶。女也。夫曰。實不敢諱。始產僅九個月。手足面目完全。而水火不分。變肉一片。生下亦無啼聲。抱起已身冷矣。細撿之。乃知其無水火也。次亦九個月。產下又無啼聲。看時口中無

舌。二胎之異。不知何故。聞先生能細心察人病。特祈審之。予方悟前二胎之不完者。由心脾二經不足所致也。今左寸右關之脉可見矣。迺為籌思一方。專以補心血為主。令其多服。以百餘為率。酸棗仁。遠志。茯神。各一錢。白朮二錢。白芍藥。當歸。枸杞子。各一錢。五苓。甘草五分。生地黃八分。艾絮二分。龍眼肉五枚。水煎服。足月而產一子。次年又有身。不以前事為意。至九個月。產下形體俱具。外有脂膜一片。包其面耳目口鼻。

皆見但不能去此脂膜。座下即殘。因思上年之  
子。為藥之力也。因子久不至。落其家。以予方粘  
於壁間。一覺有身。即照方服之。後生二子一女。  
里中以此方為補天手云。六十九

癸巳仲夏。吳比部鳳麓父母。以次君絃臺先生眼  
目紅痛。恐學道按臨。速於取効。乃聽眼科醫寒  
涼而治。兩越月無驗。又眼科視之曰。目疾不宜  
多用寒涼。恐冰其血。以人參五錢。枸杞子一兩。  
悉溫補之劑。凡用人參枸杞子五六斤矣。目腫

如堯絕不能開又專科語之曰紅腫而痛明是  
熱症誤服溫補反助其熱寧不益腫顧其勢即  
百寒涼亦不易療捷徑無如用下此釜底抽薪  
法也絃臺惟求速效一聽下之用大黃芒硝枳  
壳作大劑下五六次而飲食日減惡心畏風則  
不能出房門矣又專門謂前劑欠當大瀉之後  
正合補也又聽補之一補而目腫如舊又有眼  
師云目疾熱症多寒症少只當滋補腎水水升  
則火自降火降而目疾斯愈矣用是以滋陰降

火之劑為恃。終數服而精滑不禁。一夜夢遺一  
二次。神氣大脫。投補則目腫痛。用降則精元滑  
脫。屢試屢如是。諸醫無策。悉謝而退。乃修書命  
使自淮陰之海陽。懇祝令君紹介。徵予為治。予  
始以遠為懼。祝再四為渠言。予亦素為渠重。義  
不得以遠為辭。乃介行李嚮往。至即診之。左寸  
脉甚短。右寸大而無力。左關絃弱。右滑兩尺亦  
滑。予見其坐在幔中。畧不敢見風。問其日食幾  
何。荅曰。三次。計二椀許。葷醒絕不能用。予曰。夜



卧安否。荅曰。迺來甚苦於睡。總合目即夢魘。可  
畏。或被虎蛇交咬。或有鬼來勾攝。或落橋墜井。  
或與人爭鬪而負。猛然驚悟。冷汗淋漓。四肢癱  
軟。不能動轉。少頃乃定。今幸公不遠千里而臨  
足徵素雅。予曰。足下始無大恙。只緣大推大搬。  
以致狼狽。若是彼專科者。不足恃也。經謂五臟  
精華皆上注於目。今專科局局然守其死法。安  
知五臟盈虛。陰陽消長。隨時出入哉。以愚管見。  
但平平治之。易與耳。據足下之脉。心神脾志虛。

相不足。肝脾之火。鬱而不散。致生目痺。今為補  
養心脾。壯其神志。則飲食日加。寢卧安穩。而精  
元有守。神水盈溢。何目痺之不愈哉。絃臺曰。善。  
惟先生命劑。乃以歸脾湯。減去黃耆。木香。加丹  
參。而補心脾。以大安丸。專助脾胃。而磨穀食。俾  
新痰不生。則氣血可繼。日而旺矣。後五日而飲  
食加。十日而夢魘少。尋能出戶。不畏風日。半月  
而肌肉生。目可觀。變津津然。而有萬全之兆。不  
虞專門張氏子復至。以白眼藥。日頻點之。一日

凡七八次。從此復不能開。臉肉風粟生滿。適予  
有南都之往。卒為所誤。後幸有李少塘。打去風  
粟。眼始能開。李雖手法精熟。然於軒岐間奧。尚  
亦未窺藩籬。予後自南都至。見左目雖愈。右目  
終成內障。予故曰。彼專科者。不足恃也。豈虛語  
哉。七十

丘太守鎮山翁令姪。淮陰人也。丁年患兩手筋攣。  
指掉不能屈伸。臂肉瘦削。體瘠面白。寢食大減。  
市中諸友。調治無驗。乃任京口諸名家療之。半

年肉更消色更瘁聞予在吳比部衙中。敦予為  
治診其脉六部俱絃重按稍駛診竟扣其受病  
之源太守公曰自上年冬底偶發寒熱筋骨疼  
痛迨於仲春寒熱雖退而筋骨之疼不減服藥  
無虛日甚之日三四進肉漸消去指掉不隨俗  
有加於徃昔醫之來者一曰風二曰風三曰風  
六皆曰風即十數輩又莫不皆曰風者竭技盡  
方卒無一應奄奄床第絕不知為何病予對公  
曰此筋痿症也乃少年不謹然而受風濕邪氣

予嘗聞人醫者不察天時不分六經禁而汗之  
付景治風濕之法但使微汗津津則風濕盡去  
若汗大出則風去而濕存由是血氣俱虛經云  
陽氣者精則養神柔則養筋虛則筋無所養漸  
成痿弱乃不足之疾故陳無擇朱丹溪劉宗厚  
皆謂諸痿切不可作風治誤則成痼疾公聞言  
愕然曰服風藥幾二百劑矣顧今已痼柰之何  
予對曰令姪青年猶可圖也公曰用何法予曰  
法當大補氣血經云氣主煦之血主濡之氣血

旺則筋柔而軟。由是乃可以束骨而利機關也。抑何掉之有哉。病者聞言大喜曰。聆先生詳病之源。治法之畧。雖未服藥。已覺沉疴去體矣。即請劑。予以五加皮。薏以仁。紅苓。人參。鹿角膠。龜板。虎骨。當歸。丹參。地黃。骨碎補。蒼耳子之類。服兩月。肌肉漸生。飲食大進。兩手指掉亦平復。七十一

一書辨。年過五十。糟酒縱慾。無憚。忽患下消之症。一日夜小便二十餘度。清白而長。味且甜。少頃

凝結如脂。色有油光。治半年不驗。腰膝已下皆  
軟弱。載身不起。飲食減半。神色大瘁。脉之六部  
大而無力。書云。脉至而從。按之不鼓。諸陽皆然。  
法當溫補下焦。以熟地黄六兩。為君。鹿角霜山  
茱萸各四兩。桑螵蛸。鹿角膠。人參。白茯苓。枸杞  
子。遠志。鬼絲子。懷山藥。各三兩。為臣。益智仁一  
兩。為佐。大附子。桂心。各七錢。為使。煉蜜為丸。梧  
桐子大。每早晚淡鹽湯送下。七八十丸。不終劑  
而愈。或曰。凡云消者。皆熱症也。始公具方。人多

議之。今果以溫補成功。此何故哉。予曰。病由下元不足。無氣升騰於上。故渴而多飲。以飲多小便亦多也。今大補下元。使陽氣充盛。薰蒸於上。口自不乾。譬之釜。釜蓋。釜雖有水。若底下無火。則水炁不得上升。釜蓋乾而不潤。必釜底有火。則釜中水氣升騰。薰蒸於上。蓋終濕潤不乾也。予已詳著醫旨緒餘中。茲不多贅。七十二

魚憲韓約全老先生令子室。每怒動則夜卧不安。如見鬼魅。小水淋瀝。今又大便秘結。腹中疼痛。



腰跨脹墜如生產狀坐卧不安因痛而脉多不  
應指此肝經鬱火所致法當通利以杏仁菴仁  
各三錢柏樹根皮山梔仁青皮各一錢枳榔五  
分枳壳八分水煎服之必頃大便通痛脹隨減  
七十三

魚憲韓約全老先生夫人向來夜分臍腹疼極其  
必用炒鹽熨之兩時久乃止次日必頭痛兩太  
陽如箍遍身亦疼此上盛下虛症也先用柴胡  
川芎粉草酒連薄荷天麻橘紅茯苓半夏蔓荊

壬水煎服數帖頭痛全止惟咳嗽胸前畧痛兩寸脉浮滑兩尺弱再用鹿角霜鹿角膠補骨髓遠志枸杞子金鈴子香附子煉蜜為丸梧桐子大每空心及下午食前淡鹽湯送下七八十丸而瘳七十四

孝廉丁震瀾夫令郎纔二歲瘡母上壅咳嗽每午後發熱至子丑時乃退終日啼哭不止鵞口白屑神氣大弱瘡後隨月瘡疥未愈多方治之不効有灸之者有刺之者皆無效後遇之者種

施之。全然不應。予曰：乳下嬰孩，臟腑薄脆，不可  
亂攻。乳補參著，足以增其嗽。灸刺適以驚其神。  
安能取效？予教以白朮、驚甲各一錢，五分青蒿、  
麥芽、陳皮各八分，烏梅一枚。見母知母各六分。  
甘草三分。八帖全愈。七十五

武進令君孫康宇公子室，臧位宇夫女也。年十六  
初產，女艱苦二日，偶感風邪，繼食麵餅，時師不  
察，竟以參朮投之。即大熱，譫語，口渴，汗出如洗。  
氣喘洩瀉，瀉皆黃水，無糞。一日夜不計遍數。小

水短少、飲食不進、症甚危惡。時當六月初旬，女科見熱不除，乃投黃芩、芍藥、黃連、寒涼之劑。諸症更甚。又以參朮大劑，肉果、乾姜等止瀉。一日計用人參二兩、四錢瀉，益頻熱，益劇喘。汗轉加，譫語不徹口。醫各縛手，辭謝曰：書云「汗出如油，喘而不休，死症也」。又汗出而熱不退，瀉而熱不止，且譫語神昏，產後而脈洪大，法皆犯逆，無生路矣。惟附子理中湯，庶微倖於萬一。適予為顧太守肖溪公延至，即過為一診。六脈亂而無緒。

七八至。獨右關堅硬。踴躍久之。因思暑月汗出。乃常事。但風邪麴食。瘀血皆未消熔。補劑太驟。書云。蓄血如見鬼。治當消瘀血。麴食鮮其暑氣。猶可圖生。勿遽棄也。有臧玉宇者。位宇堂兄也。醫有雅致。深以予言為然。而速予措劑。予曰。劑憑症發。難拘常套。不常之症。須用不常之藥。乃用益元散六錢。鮮暑氣。清熱為君。仲景云。渴而小便不利者。當先利其小便。况水瀉。尤當用之。為君也。以糖毬子三錢為臣。紅麴澤蘭葉各一

錢五分消瘀血安魂為佐香附一錢五分為裨  
佐橘紅半夏麴茯苓乃總理脾氣為使京三稜  
五分消前參朮決其壅滯為先鋒水煎飲之飲  
下即稍睡譫語竟止連進二劑其晚大便減半  
次日仍用前劑飲之其夜熱大減大便只二次  
有黃糞矣惡露畧行黑血數枚又次日診之脉  
始有緒神亦收飲進粥一盞大有生意前方減  
去京三稜紅麴加白扁豆其夜大便一次所下  
皆黑糞從此熱盡退大便亦實改用四君子湯

加益元散青蒿香附白扁豆酒炒白芍藥炮姜  
調理而平七十六

吳東星上舍辰州太守公長君也。冒暑赴南都試  
落第歸而怏怏。因成瘡。自八月中旬。延至十月。  
瘡雖止。而腰痛白濁。日夜咳嗽。肌肉大消。藥劑  
亂投。認為風者。以羌活防風續斷等發散。認為  
虛者。以六味地黃丸為補。認為火者。以芩連梔  
子黃柏知母天苓粉生地黃瀉其火。認為半虛  
半實者。投以獨活寄生湯。認為寒者。以大附子

肉桂鹿角膠參朮溫補之。痛劇欲死。叫撼四鄰。  
予脉之。左絃細。右滑大。俱六至。口渴眼赤。予知  
其昔患楊梅瘡。餘毒尚伏經絡。適因瘡後氣血  
不足。舊毒感動。故痛而暴也。以當歸芍藥甘草  
牛膝鈎藤。以仁木通白鮮皮。用土茯苓四兩煎  
湯代水煎。前藥服下而痛止。咳嗽亦除。脉緩其  
半。連服數劑。大効。精神漸復。乃起而督工視事。  
冬至日。為酒興鼓舞。縱慾無忌。次日腰如束縛。  
足面亦疼。左眼赤。小水短。足底有火。從兩膝直



冲其上。痛不可言。予以當歸、鈎藤、甘草、白芍藥、  
牛膝、以仁石斛、紅朮、生地、黃柏、調理三日。症已  
守定。畧無進退。適大雪寒凍殊甚。有女醫為渠  
宅所親信者。因其大便燥結。一日夜服玄明粉  
一兩五錢。大便且不行。而腰痛愈猛。兩足攣縮。  
氣息奄奄。一語而三換氣。面青慘渠自覺危急。  
廼喚內人及弟叔。囑其後事。天明予至。診之。六  
脉俱伏。痛<sup>人</sup>憊然也。扣其由。乃知服玄明粉所致。  
予曰。症雖熱。便雖燥。但公病不在腸胃。而在經

絡筋骨間。徒瀉腸胃無益也。且冬月陽氣閉藏。誤瀉則陽氣虧乏。來春無發生根本矣。今四肢拘縮。腰膝痛劇者。由日來天令寒極。經絡凝滯也。寒主收斂。法當溫散。寒邪之標。使痛定然後復治其本。庶可保全。乃用桂心、杜仲、炙甘草、蒼朮、破故紙、五加皮、連與二劑。痛定而四肢柔和。飲食始進。予知渠宅素喜速效。予適有荆溪之往。廼宣言曰。月下之疾在經絡。顧今天令嚴寒。幸寧耐。以俟春和。為月下拔去病根。渠宅不以

予言為然。廼用張雲溪調理。予亦讚張之可家。  
蓋張氏藥用養血清熱。雖不去病。亦不害事。迨  
二月。太守公歸。廼改用沈春宇沈揣渠必以酒  
色而致陰虛。廼純用滋陰降火之劑。以為旬日  
可奏功也。及調治月餘。畧無影响。予從荆溪歸。  
而謁渠為三月初旬也。渠聞予至。即以沈藥呈  
予。且語予公許春和拔除病根。此其時也。予知  
太守公方篤信沈。隨以溫語慰渠曰。沈公名士  
也。可使彼展盡底蘊。沈又調理半月。以無功而

行。沈去。予再以煨腎散進。大瀉五六度。四肢冰冷。舉家大恐。以予瀉之為非也。予曰。病從此日減矣。夫奚憂。後進理脾藥。服數帖。神氣始轉。腰膝柔和。可下床。舉數步矣。方始信。而問予曰。人皆以補為治。公何得病源之真。於三月之前。先已預定。節節如公語也。予曰。此楊梅瘡餘毒。伏於經絡。豈補劑所能去哉。予故先為疎通濕熱。然後以補劑收功。則無反覆之虞。後仍以葳靈丹。潘耒子二錢。入猪腰子內。以酒煮之。又瀉一二

度病根盡拔改用以仁當歸生熟地黃白芍藥  
牛膝黃柏丹參龜板調理全安七十七

潘見所老先生有一小盛价年可十六七發熱於  
午後城中周友以為陰虛而為滋陰降火服三  
十餘劑熱益加且腹中漸脹面色清白仍以六  
味地黃丸加黃柏知母麥冬五味子之類又三  
十劑而腹大如斗堅如石飲食大減髮黃成穗  
額顙光亮口渴不可言兩腿大肉消盡眼大面  
肉皆消肌膚枯燥如松樹皮奄奄一骷髏耳予

觀其目之神。尚五分存。欲為治劑。潘公問下諸人語。予曰。形症如是。死在目下。尚可服藥乎。予曰。症非死候。為用藥者誤耳。譬之樹木。若根本壞。而枝葉枯焦。非力可生。今焦枯乃斧斤傷其枝葉。而根本仍在也。設灌溉有方。猶可異生。安可遽棄。予以神授丹。日用一九。煮猪肉四兩。飼之。十日。腹軟其半。熱亦消其半。神色漸好。潘見老詰。予曰。此何症。公能肉枯骨如此之神。予曰。此癰積症也。彼誤認為腎虛。而用補陰之藥。是

滯益滯。腹爲得不大不堅。公曰。彼純用寒而  
熱愈熾。君用非寒而熱反退。此何說焉。予曰。此  
熱。廼濕熱。由脾虛所致。補陰之劑。皆濕類。蓋脾  
屬土。惡濕喜燥。今以大薑會丸肥兒丸調理一  
月。可全瘳矣。公曰。善。徵先生。此僕已爲臬下物  
笑。七十八

少司空凌絳泉翁。年已古稀。原有痰火之疾。因正  
月上旬。爲令孫大婚。過勞。偶占風寒。內熱咳嗽。  
痰中有血。血多而痰少。痰堅不易出。鼻流清水。

舌生芒刺。色焦黃。語言強硬不清。大小便不利。喘急不能睡。亦不能仰。惟坐高椅。椅前安棹。棹上安枕。日惟額伏枕上而已。市醫環治半月不瘳。敦予診之。兩手脉浮而洪。兩關滑大。有力。知其內有積熱痰火。為風邪所閱。且為怒氣所加。故血上逆。議者以高年見紅。脉大發熱為懼。予曰。此有餘症。諸公認為陰虛。而為滋陰降火。故不瘳。法當先驅中焦痰火積熱。然後以地黃補血等劑收功。斯不失先後着也。翁以予言為然。



用瓜蒌石膏各三錢橘紅半夏麴桑白皮前胡  
杏仁酒芩紫蘘子水煎臨服加入蘿蔔汁一小  
酒盞一劑而血止次日胗之脉仍浮而洪大尚  
惡寒予曰古云傷風必惡風傷寒必惡寒此其  
常也只因先時失於清散表中之熱未徹竟用  
滋陰之劑又加重便收歛降下太速以致風寒  
鬱而不散故熱愈甚也改以定喘湯一劑而喘  
急減半再劑熱退而不惡寒復為胗之兩手浮  
體已無惟兩關之脉甚鼓指此中焦痰積膠固

已父不可不因其時而疎導之。以清中丸全當  
歸龍會丸共二錢進之。其夜大便所下稠粘穢  
積甚多。予憶朱丹溪有云。凡哮喘火盛者。以白  
虎湯加黃連枳實有功。此法正絳翁對腔劑也。  
與十劑外。以清中丸全雙玉丸夜服調理而安。  
七十九

周鳳亭公年五十有八。正月腸風下血。又飲食過  
傷。大吐而朱友以枸杞地黃膏一斤進之。不知  
此公肝氣素盛。中焦原有痰積。且多思傷脾。又

位卯木正旺之月。投以地黃枸杞。適以滋其濕。而益滯其痰耳。由是飲食減少。肌肉消。腹中痞滯。又吳友以歸脾湯進之。詎知濕熱未除。先用溫補。是以油撲火勢。成燎原以致大便燥結。口乾舌燥。據巳午未三時中焦蒸蒸發熱煩悶。酉時而退。此皆溫熱壅滯於脾無疑矣。且面色黃中帶黑。下午足面有浮氣。皆是溫熱傷脾之徵。法宜清肅中焦。徹去濕熱。則飲食自加。而新痰不生。宿痰磨去。庶五穀精華不生痰而生血。

矣。血充則精神長而肌肉可復。且秋來無瘥痢之患。公曰。清肅中焦。當用何劑。予曰。二陳湯加薏以仁。酒炒白芍藥。麦芽。以養脾而消痰。以枳實黃連。洩痞而去熱。以青蒿分利陰陽而消其黃。葛根升引清陽之氣。使肌熱清而口渴可止矣。當服十劑。公曰。先生之方善。但枳實黃連恐體虛者不足以當之。予曰。惟此二味適可以去公之病根。舍是則不效。緣中焦有餘之疾。非此不能去。亦非它藥可代。公曰。然則服何劑。予曰。服二陳湯。

而諸疾皆愈。公遽中止，不復服。完至七月，盡果發痢疾。而以木香檳榔丸下去，稠積甚多，廼追悔予言而延之診。予教以前方，仍服十劑。夜以丹溪保和丸調理，則永無瘡痢之患矣。八十令郎采石先生，中焦濕熱，生痰否悶，五更倒飽，且下午兩股或膝下筋脉抽掣疼痛，時常噯氣，面色帶黃，間常夢遺。予以清氣大安化痰丸，及猪肚丸二方調治而安。猪肚丸用白朮五兩，苦參酒炒二兩，牡蠣煨過三兩為末，將雄猪肚子一

具。摘去油。甘草湯洗過。將藥裝入肚中。縫其口。  
飯中蒸極爛。為度。搗極勻。為丸。此方極健脾。去  
濕熱。固精丸也。清氣大安化痰丸。用白朮四兩。  
橘紅半夏。山查各三兩。黃芩黃連俱生薑汁炒。  
各一兩五錢。枳實瓜蒌仁各二兩。白芥子蘿蔔  
子各炒一兩。姜黃碱水煎乾一兩。青黛五錢。麥  
芽取麴打糊為丸。菜豆大。每食後及夜茶送下。  
二錢。八十一

令孫女總六歲。忽發寒熱。一日過後。腰脊中命門

穴間骨節腫一塊如大鰻頭之狀高三四寸。自  
此不能平身而立。絕不能下地走動。如此者半  
年。人皆以為龜背癰疾。莫能措一法。即如幼科  
治龜背古方治之亦不効。予曰。此非龜背。蓋龜  
背在上。今在下部。必初年乳母放在地上坐。早  
之過。比時筋骨未堅。坐久而背曲。因受風邪。初  
不覺其漸入骨節間。而生痰涎。致令骨節脹滿  
而大。不急治之。必成癰疾。今起未久。可用萬靈  
黑虎比天膏貼之。外再以晚蚕沙醋洗炒熱絹

片包定於膏上帶熱熨之。一夜熨一次。再以歲  
靈僊為君。五加皮烏藥紅苓防風獨活。水煎服  
之。一月而消其半。骨節柔軟。不復腫硬。便能下  
地行走如初矣。人皆以為神奇。此後三箇月。暮  
不能行。問之。足膝痠軟。載身不起。故不能行。予  
知其病去而下元虛也。用杜仲晚蚕沙五加皮  
薏以仁當歸人參牛膝獨活蒼耳子僊茅。水煎  
服二十劑。行動如故。八十二

內文學蜚樓患虛損咳嗽。書卷。丁氏長



富翁女也。軀甚肥。性甚躁。患痛風。手不能沐。  
梳。足不能履地。凡痛處。畧腫。呻吟喊叫。比有朱  
遠。益氏為時推重。夫婦倚朱治者七越月。纖毫  
不減。吳九宜翁。廼舉予治。至其家。岳樓大兄岳  
樓。旦暮與偕。胗畢。語岳樓曰。令弟之症。雖易見  
功。然非百日不能斷根。丁氏症。十日便可刈其  
根。但恐不能盡吾劑。奈何。岳樓曰。何謂也。予曰。  
令弟咳嗽。由肺火未清。誤服參朮太過。而然。但  
為清肺利肺。咳可立止。止後以補心安神之劑。

養之則萬全矣。藥用麥門冬、桑白皮、白藥子、貝母、桔梗、甘草、黃芩、枳殼十帖。咳嗽全止。惟心血不足。神不固精。以酸棗仁、遠志、麥冬、蓮心丹參調養百日。果能出戶。肄業丁症。廼濕痰凝滯。經絡作痛。朱公作血虛。而投以地黃芍藥當歸人參牛膝之類。宜其痛愈加而病愈久也。今必須燥濕流動之劑。疎決一番。庶經絡通暢。雖不服補劑。而五穀精華足以自充。但疎決之劑不能止痛。恐其不予信而中止也。岳樓曰。先生既

已言明。惟命是聽。用二陳湯加烏藥、葉蒼朮、佩  
蠶、海桐皮、南星服至五帖。果不憚而欲止藥。岳  
樓曰。孫君已先言十帖見功。今過半。何不勉強  
而使功虧一簣哉。又服一帖而止。百般強之不  
從。廼揚言曰。請醫療痛。而反加痛。吾何藥為。後  
四劑斷斷乎不敢奉命矣。時已申刻。予知其富  
家。嬌態亦不強服。隨以羌活、秦艽炒過三分。海金  
沙一分為末。白湯調下。至晚瀉一次。下稠痰半  
盆。足痛減大半。稍能動止。初更後。吾輩酒猶未

散忽報云。腹中大痛。促予進看。行至後堂內。中  
人出而止曰。病者卒矣。不勞進看。予曰。此必痛  
厥。非長逝也。烏可不進一看。至即冷汗淋漓。死  
坐溺器。面青息斷。執而殮之。手冷如冰。但六脉  
俱在。惟沉伏耳。知其為痛極使然。用生姜湯灌  
之。而甦。徐語近侍女使曰。適來腹中痛甚耳。後  
火光濺出肛門。如焚大响一聲。不知瀉下何物。  
衆看之。廼血。鱖一條。長六寸。闊半寸。鱗俱  
在。盆中尚能遊動。余曰。此血。乃下

可好否。予應之曰。此充物也。得下豈不好。但丁  
症實由痰作。予特為行痰。初不知其有虫。如是  
第藥中有芫花。廼殺虫之物。故偶中。亦令弟之  
福也。次日手足皆能動。仍以二陳湯加以仁紅  
苓五加皮四帖。脫然如故。閱宅以予不矜功而  
益重予。八十四

金寄間令堂。暑月患痢。小腹窘迫。胸膈膨脹。口舌  
焦渴。右寸關脉洪滑。左脉絃。廼氣鬱食積。癖也。  
先與木香枳榔丸開而下之。微利一二度。因口

渴食西瓜一片。即惡心而吐。昨日大便利後。腹  
滿寬快。就進飯一椀。致腹飽悶。兀兀欲吐。所吐  
皆痰涎。迺以溫膽湯加減治之。半夏四錢。枳實  
一錢五分。竹茹二錢。橘紅茯苓各一錢。甘草五  
分。姜連八分。生薑五片。水煎服之。一飲而胸膈  
舒暢。便能就枕而睡。惡心頓無。痢亦尋止。八十  
五

中宇之婦。汗出如雨。昏昏憤憤。面手無所着落。  
婦要人足端之。人欲即昏憤益甚。氣促

不能以息稍近風則嘔惡暈厥與九龍鎮心丹  
一丸服下即稍定必間則又發始知胸喉中有  
物作梗而痛湯水難入即藥僅能吞一口多則  
弗能嚥下廼以蘓合香丸與之暈厥尋止心痛  
始萌昨日六脉俱伏今早六部俱見惟左寸短  
濇知其痛為瘀血也用玄胡索桃仁丹皮丹參  
青皮當歸香附其夜仍暈厥一次由其痛極而  
然再與玄胡丹皮桃仁丹參香附青皮烏梅人  
參貝母桂枝赤芍藥服此痛減大半廼自云心

虛有熱頭眩。加山梔仁。居常多夢交之症。近更甚。以其心虛故也。人參石斛丹參貝母當歸白芍藥酸棗仁酒連香附調理全安。八十六

金文學達泉先生令政。暑月患痢赤白。一日夜三十餘度。後重腿急。口渴。小腹痛。孕已二月。幸而腰不痛。右手脉絃。左脉滑。與白芍藥三錢。黃連黃芩當歸陳皮香附各一錢。桂皮木香各五分。水煎服。外與香連丸服下。後重稍輕。因進飯太早。其夜仍十數度。次早診之。右絃減半。前藥前



吞女金丹一帖。痢減大半。六脉已和。但軟弱。此氣血不足。宜從補養。用八珍湯加陳皮香附。阿膠條芩一帖全安。凡孕婦痢疾。後重稍輕。腹痛稍減。獨痢不止。必須補養血氣為主。加調氣之劑為佐。庶可保胎。斯亦丹溪虛面而痢自止之意也。八十七

金元岩文學。下午發熱。痢下紅多白少。一日夜七十餘度。後重下墜。飲食不思。左脉細數。右脉滑。此陰虛之候。詢知二日前曾夢遺。續得痢疾。陰

虛明矣。但滑脉主食積。法當先補後攻。廼與小建中湯一帖。白芍藥三錢。桂枝七分。粉草酒連酒苓各八分。當歸一錢。枳即五分。水煎飲之。夜半復脘脉稍克。指改與枳壳三錢。桃仁一錢。當歸四錢。煎熟吞木香枳即丸一錢五分。至天明大便瀉三次。則見糞矣。次日午進飯。又食火肉。隨即大便頻。併後重如前。與山查枳木丸一服。不効。再為脘之。六部皆虛軟無力。獨右關滑。此進肉飯太早。脾弱不能消磨。宜健脾氣。無為升。

舉人參黃耆各二錢白朮一錢升麻三錢防風  
藿香炮姜粉草各五分白芍藥一錢半茯苓八  
分連進二帖痢減而後重寬因食狗肉過多傷  
傷脾氣前方加砂仁山查調理全愈六十八

金文學達泉先生因食肝白腸為傷續又冒風就  
成瘧痢日夜四十餘度小腹痛甚每登廁汗出  
如雨下迫後重小水澀痛頭疼口渴下午發熱  
天明始退左脉浮絃而數右軟弱中部稍滑此  
內傷飲食外感風邪瘧痢併作法當速治否則

深秋陽氣潛藏邪因陷下未易瘳也。廼先與柴  
苓湯一劑。小便即清。不痛。瘡發時寒多熱少。晚  
與人參敗毒散。加減。人參乾葛防風桂枝粉草  
茯苓枳殼各五分。柴胡白芍藥各一錢。水煎飲  
之。次日頭痛痢疾俱減。夜纔起三次。改與補中  
益氣湯。加酒。人參桂枝白芍藥。其夜瘡止。但微熱  
再改胃風湯。人參白朮桂皮各二錢。白芍藥四  
錢。當歸一錢五分。黃芩川芎各八分。酒。人參酒連  
各一錢。炮姜二錢。地榆五分。服後寒熱殫。迹夜

走一次。已是真真。前方減去桂枝。再三劑而止。  
櫛出戶矣。八十九

金寄閒先生。七月既望。患頭痛。口渴。汗大洩。不飲。  
嘔惡。發寒熱。間日一發。而發於陽日。廼為胗之。  
兩寸洪大有力。左浮絃而數。右脉稍軟。亦絃長。  
此少陽與陽明合併為瘡。以柴葛解肌湯主之。  
柴胡。葛根。各二錢。白芍藥。石膏。各三錢。粉草。桂  
枝。各五分。知母。一錢。姜三片。水煎飲之。次早左  
脉稍退。廼與補陰鱉血何首烏丸截之。又與黃

著為藥湯一帖以防作痢。白芍藥石膏黃耆各三錢。桂枝五分。知母粉草各一錢。柴胡七分。姜三片。煎服後加人參七分。瘡竟全止而向安矣。九十

淮陰胡少泉翁。麗水縣三尹也。令郎年弱冠。患夢遺百治不應。體倦而氣弱。食少而汗多。四肢痠軟。頭眩。肌熱。將成瘵疾。知予在理。刑吳比部衙中。敢予為治。其脉兩寸短。左寸尤甚。餘部滑數。予曰。郎君之脉。心氣大弱。蓋心者神之舍。神者

精之主。神旺始能固精。今遺不禁。由神弱不能固攝其精。致多妄洩。時近端陽。諸症叢集。迺無注夏病也。法當養心安神。庶不成瘵。翁曰然。前此諸公。每為滋陰降火。多不見功。徒見損脾減食。今先生主以養神。願以先生是聽。迺與人參黃耆石蓮子酸棗仁蓮苓心石菖蒲遠志當歸補心安神為君。俾精固汗斂。經曰。汗者心之液。汗多則心血愈虛。故佐以甘草白朮黃柏麥門冬五味子。無治注夏。使飲食加而四肢壯。緩而

圖之可萬全矣。藥進甚妥。竟以此方調理。果精  
固神全。肌熱盡退。又令愛及筭。頭痛微熱。經水  
愆期。日多咳嗽。食漸減。肌漸消。口渴。睡卧不寧。  
喉中血腥。四肢不勞而疲。體不動而汗。六脉絃  
而且數。左關長出寸口。予以逍遙散加石斛丹  
參。牡丹皮。酸棗。仁。山梔子。麥門冬。調理而瘳。又  
一文學。貧士也。忘其姓氏。與胡少泉翁為碩交。  
有奇疾。兩足不痿不痛。每行動。絕不聽其所用。  
或扭於左。而又墜於右。或扭於右。而又墜於左。



玄而行不能一步步止走此亦目之稀覯莫  
不識為何疾書無所考予臆度之由筋軟不能  
束骨所致故行動則低斜扭墜也夫筋者肝之  
所主肝屬木木縱不仁宜益金以制之用人參  
黃耆白芍藥以補肺金意以仁虎骨龜板杜仲  
以壯筋骨以鉄華粉專制肝木煉蜜為丸早晚  
服之別後三載族姪堉問公敬亭南還道出淮  
陰胡少泉寄語云向者鉄粉所愈之疾淮人極  
以為竒遠邇敦錄其方布傳以頌自恨貧儒弗

能致一片為謝。旦暮額手南斗以識不忘云。九  
十一

一吳氏頗有隱疾。其夫訪於予。三造門而三不言。  
恆怵而去。後又至。求言而面先赭。予因詰之曰。  
諸來詣予者。皆謂予能為人決疑療急也。今子  
來者四。必有疑于中。疑而不露。一語雖百來而  
疑終不可決。疾終不可去矣。且盈天地間。忤事  
甚多。非理智所能盡識。然亦非理智不能通療  
也。彼折肱錄醫以醫鑒等集。忤症。謂毛假非明。

醫決而治之何以續後人之聞見也。其夫廼使  
首徐應曰：言之無任主臣。先生長者，即言之諒  
無哂。山婦子戶中失生一物，初長可三寸，今則  
五寸許矣。狀如堅筋，色赤，大可拱把，脹而且痛，  
不便起止，憎寒壯熱，寢食俱減，羞澁于言。每求  
自盡，聞先生能為人決疑療恠，不啻扁鵲，特相  
訪而祈一決。予曰：疾成幾年？對曰：將百日。予曰：  
蓋凡所謂恠者耳。目無所聞，覩書籍無所註載。  
今所言者，廼陰挺症也。書有所徵，奚足言恠？夫

曰陰挺。自而生。何法而治。幾何月日而可愈也。可無。于生育否。予曰。子戶屬厥陰肝經。肝屬木。肝有濕熱。故生陰挺。猶木有濕熱而生蘖。然法當以龍胆瀉肝湯。及蟬皮散。當歸黃芩牡蠣。蟬皮赤芍藥為末。每用一錢。空心米飲調下。即而治之。大計月餘可消釋也。奚生育之有妨哉。其夫合手頂禮於地曰。願如桑王言。敢微一料。隨按法措劑。畀之而士甫三月。來報云。前疾果如所言。消釋無痕。茲。汛期一月不至。敢問。

原缺

曰非力弱不能行。廼左脚不可動。動即痛。應於心。是以一步不能舉也。予倪思若。色若脉皆非死候。胡治而益劇也。此必腸癰。左脚莫能舉。是其徵也。與營衛返魂湯。加金銀朮為君。與四帖酒水各一碗煎服。一帖痛稍減。二帖下臭膿半桶。痛全減。腹上膏藥不須手揭。自脫而下。由熱去而膏脫也。四帖完。其婦同匠詣吳宅拜謝。予并求善後之方。吳宅見之。一族皆驚。九十一王祖泉大便裏急後重。腹痛日夜下紫黑稠粘三

四十度市中凡有名者雷同痢治自秋歷冬三  
越月不瘳形色瘦瘁是箇厭舉即勉強僅一盞  
而止眼闔懶開悉以為不治棄去訪予脉之六  
部濡弱觀其所下之色甚晦如芋苗汁之狀予  
曰觀此色非痢廼臟毒下血症醫說中人參樗  
皮散正此對腔劑也即製與之其夜果減半終  
劑全愈方以人參樗根白皮各二兩為末每空  
心米飲調服二錢忌肉汁生菜魚腥九十四  
癸巳秋仲南都大司馬袁洪溪老先生以兼署工

部都察院操江印日衝暑往來各衙門而經畧其政事致發熱燥渴因解燥渴而過食冰浸瓜梨新藕遂成洩瀉小水短少醫以胃苓湯加滑石木通車前子利之而瀉止大便又因之結燥艱澀不堪廼用潤腸丸復瀉不止又進以前通利之劑瀉雖止而小水竟不得流通直遂臍下脹急立起解之則點滴不出卧則流之不竭以頻取夜壺致通宵不得寐也治半月餘而精神削寢食廢聞予寓崔敷部衙而徵予治初見即



告以受病之源。又謂都城諸醫俱不識為何症。將認為癰。則立鮮時點滴不出。認為秘。則則涓涓而流。謂為脾約。大便又不結燥。謂氣虛下陷。心血不足。而補中益氣湯與安神丸服過十晝夜無益。雅聞先生為手。願一診以決之。探其脈。兩寸短弱。關緩大。而尺洪大。語之曰。此餘暑未解。而司馬素善飲。濕熱流於下部也。今已下午。恐診之未準。俟明早細察而再定方。公曰。延頸。吾子久矣。適所言近。服煎亟求一劑飲之。徹夜

問一睡予不得已以益元散三錢煎香薷湯進之。畧無進退。次早復診。六脉如昨。予思之而恍然。悟又語之曰。此症尿竅不對也。司馬曰。各出何書。予曰。內經云。膀胱者。脬之室也。脬中濕熱下墜。故立解而竅不對。小水因不得出。則脬不下墜。而尿滲出膀胱。亦以竅不對。小水難流。涓而流亦不能通達。直遂故了而不了也。治惟提補上中二焦元氣。兼清下焦濕熱。斯得矣。又有一法。今氣虛下陷已久。一兩劑未能取效。安

得伏枕而睡。且此不寐。非心血不足之故。因着  
心防。開小便之了。而不了。而不敢寐也。暫將舊  
衣。或布襯於席上。不必防。而任其流出。又免取  
夜器。而勞動其神。自然熟睡矣。以補中益氣湯  
提補上中二焦之元氣。加黃柏。知母。祛下焦之  
濕熱。夫清陽升。則濁陰自降。腰無濕熱。則不下  
墜。寢可對。而病可瘳矣。司馬忻然請藥。夜如法  
視之。果啗然一睡。相忘其尿之出不出也。次早  
視襯布。雖濕而不甚。以久不闔目。得此一睡。神

氣頓回。胸臆爽快。如未病者。調理四日而病全  
安。司馬大喜而欲留久住。緣漕運李公相延之。  
丞弗克也。差大馬舡鼓吹送予阡關而還。九十  
五

崔百原公者。河南人也。年餘四十矣。而為南勲部  
郎。患右脇痛。右手足筋骨俱痛。艱於舉動者三  
月。諸醫作偏風治之。不効。馳書邑大夫。祝公徵  
予治。予至。視其色蒼。其神固。性多躁急。診其脉  
左絃數。右滑數。時當仲秋。予曰。此濕痰風熱為

痺也。脉之滑為痰。絛為風。數為熱。蓋濕生痰。痰生熱。熱壅經絡。傷其營衛。變為風也。公曰。君何以治。予曰。痰在經絡。雖不害事。然非假歲月不能愈也。隨與二陳湯。加鉤藤。蒼耳子。薏以仁。紅朮。五加皮。秦艽。威靈。白朮。黃芩。竹瀝。姜汁。飲之數日。手足之痛稍減。而脇痛如舊。再加鬱金。川芎。白芥子。痛俱稍安。予以赴漕運。李公召而行。速勸公請假。緩治。因囑其慎怒。內觀以需藥力。公曰。內觀何為主。予曰。正心。公曰。儒以正心為修。

與先務。每苦工夫無下手處。予曰。正之為義。一止而已。止於一。則靜定而妄念不生。宋儒所謂主靜。又曰。看喜怒哀樂未發以前。作何氣象。釋氏之止觀。老子之了得。一萬事畢。皆此義也。孟子所謂有事勿止。勿忘。勿助長。是其工夫節度也。公曰。吾知止矣。遂上疏請告。予錄前方畀之北歸。如法調養。半年而病根盡除。九十六